

Predsjedavajući arbitar Ambasador Clint Williamson zaključio posjetu BiH



Tokom trodnevne posjete Bosni i Hercegovini, ambasador Clint Williamson, predsjedavajući arbitar Arbitražnog Tribunala za Brčko, zajedno sa Louisom Crishockom, prvim zamjenikom visokog predstavnika/supervizorom za Brčko Distrikt, sastao se sa rukovodstvom Brčko distrikta, članovima Predsjedništva BiH Željkom Cvijanović, Željkom Komšićem i Denisom Bećirovićem, sa predstavnicima EUFOR-a i NATO-a, sa predsjednicom Ustavnog suda Bosne i Hercegovine, Seadom Palavrić i sa predstavnicima međunarodne zajednice kako bi razgovarali o aktuelnoj političkoj situaciji u BiH i poštivanju Konačne odluke za Brčko.

Što se tiče djelovanja Tribunala, predsjedavajući arbitar je rekao da neće ulaziti u bilo kakve rasprave o mogućim ishodima. U razgovoru sa svim sagovornicima, predsjedavajući arbitar je istakao da su arbitražni proces za Brčko i Konačna odluka neprikosnoveni, te da sve strane moraju dosljedno poštivati odredbe Odluke, uključujući i pružanje podrške državnim institucijama na koje se Brčko Distrikt oslanja u pogledu svoje stabilnosti i sigurnosti.





